





柳烟詞序

錫山顧貞觀梁汾撰



古詩三千餘篇逸者十九存者十二
統所存計之柔情艷語故不啻十二
也將無古之詩人多所寄託如楚詞
之流連於美人香芳者耶後世不察

概目之爲刺潘夫然則屈宋以下殆
無往而非刺矣詞本於詩忽云詞人
之則麗以淫一體之中強分涇渭於
是高者不屑爲而下者輒漫爲之致
蕩佚而不可返填詞之敝職此其由
予客西泠得讀鄭子丹書柳烟詞其
情之柔而語之艷直髣髴花間尊前
要皆能自爲之節令柔者不致於溺
而艷者不失諸浮含蘊旣深體裁復
密殊有合乎比興之旨由是以返於
詩徑莫近焉今鄭子行且攬勝北遊
江山文藻交相映發其進益未可量

安見花間尊前之不卽爲三百篇也
於其行書以贈之

柳烟詞序

濟陽丁澎葑園撰

嘗觀夫楊柳之于四時也春則長條婀娜小蠻鬪其
腰肢嫩綠低迷張緒方其風度夏則濃陰如蓋囀交
坐之黃鸝繞岸成行披納涼之白袷秋則葉書蟲字
拂臨水之芙蓉露警螢啼映短籬之木槿冬則將舒
星眼依然半睡之時未掠修眉恰似卷衣之候若夫
烟也或曉起凭高輕籠萬井或夕移短杖遠抹千林
或溪閣月明水面如攜輕縠或山樓雨至峯頭似裹

重綃謝靈運謂之曰烟鬟李謫仙謂之曰烟景二者
騷人韻士皆流連不能去者也摩詰曰柳綠更帶朝
烟冷眼覷破雋語道破柳與烟遂成知己矣楊柳非
烟不足以盡其態烟絲非柳不足以極其妍而丹書
新詞命之曰柳烟取義韻絕矣靈和標格難邀巫峽
之雲灞水空游亦可託名彭蠡宜乎丹書閒情綺語
彷彿三眠觸緒抽思依稀千縷幾層香霧疑看韋曲
之花廿載重陰偏爽杜郎之約古來陳迹綴入新詞
可與曉風殘月媲美又何必三影郎中始爲絕調耶
當亟付晉人以冠詞鈔

柳烟詞序

少年讀人詞如聞清歌如衛洗馬渡江如從王伯興
登茅山心思靡煩覺白日莽莽而不知此身之何歸
逮老而幽巖涼潦不接朝旭壞衣無暴色舉痺肢而
投之湯泉之間苛癢不復關寒暖不得相知雖日誦
新詞何益而鄭子丹書以詞示予且請予言敘其詞
予思魏公文靖年八十餘尙示門人何穆之曰晚來
讀離騷殊覺可思夫宋詞者唐詩之餘也齊梁清商
曲詞吳聲歌詞者漢魏詩之餘也楚詞者三百之餘

也文靖讀詩餘而思生矣不觀柳烟乎春雲幕歷結
初黃而曼布之長條細縷芊綿而可愛而至于秋潦
至于冬烈武昌官渡櫺梢都盡而朝暮艷黶猶尙有
霏霏之色舒卷其際詩之餘不猶是乎然則讀詩餘
而以爲可思雖宋人之詞與楚人之詞無二視矣丹
書以柳烟名詞而意有在也吾故敘其詞而告以是
言

西河毛奇齡初晴氏題時年七十三歲

柳烟詞

仁和鄭景會丹書著

丁 滌素涵

同學

徐 汾武令

選

南歌子 秋思

紫菊嬌秋色、丹楓襯晚霞、閒來獨自倚牕紗、數遍歸
鴻數點落平沙、

柳梢青 春閨

賦罷登樓魂銷綺陌、目繫扁舟、綠柳迎風、天桃映日

只草菴曰
一片宮商

一段春愁 為伊望斷雙眸堪妬處花枝並頭粉蝶
多情黃鶯有意總付東流

惜分釵 越中有懷

登短舫傷懷抱別怨偏多歡聚少晚風清暮雲橫一
宵離緒半夜雞鳴行行 固陵路西與浦回首聖湖
烟霧鎖下江舟浪花浮青山兩岸慣送離愁悠悠

憶王孫 秋閨

鴨爐香燼夜悽清雨滴梧桐不忍聽枕冷衾單夢怎
成恨卿卿獨倚薰籠思到明

桃源憶故人 暮春

桃花已逐東風舞更有楊花堪妬一味穿簾入戶不
管人淒楚 枝頭杜宇聲偏苦叫得斜陽欲暮門外
晚烟無數寂寂橫塘路

踏莎行 鬪草

醉日桃嬌翻風柳媚踏青挑菜芳園會休將並蒂故
調儂鸞釵賭去雲鬢墜 黛綠鴉黃猩紅雀翠春光
盡裏裙兒兩好花不向眾中誇背人偷把宜男戴

雨中花 母病

吳慶百曰
似章相溫
助教

蘇龍曰
是南唐
詞

卧病恹恹春晝永倚珊枕寢眠未醒午夢驚回臨粧
對鏡懶把雲鬟整柳外鶯啼花滿徑又誰料檀郎
薄倖自昔分離風狂雨橫撇得人孤冷

八節長歡

贈徐野君先生

詞遊行雲名高北斗才似參軍陶情惟玉友寄意有
桐君四時花萼盈書案勝淵明菊柳栽門吟罷新詞
談笑羽扇綸巾風流俊逸超羣才能過秦周張柳
蘇幸羨巧奪天工評風月雁樓千卷詩文幾回誦令
吾筆硯思焚更是愛春波影劇青娘萬古情新

滿江紅 七夕

送暑迎涼正天上織雲弄色還自笑當時帝女靈丹
悔竊設菓陳瓜爭乞巧曝書穿線都成拙觀鵲橋今
夜渡雙星銀河月雙戶掩孤燈剔雨意少雲情密
願朝朝暮暮休言離別此際兩情相會好明宵一樣
增悲切卜來年今日再相逢同歡悅

落燈風

夏開

夜靜更闌愁獨臥殘粧理罷開牕坐消受芙蓉風更
兩兩流螢飛過一點孤燈墮貪涼反惹心無那統

毛馳黃曰
清空雅淡
盡美金蘭

扇引月來雲破嘆夜夜淒涼唯伴着影兒一個此際
誰憐我

釵頭鳳 歡情

掀羅袖焚金獸良宵獨幸成佳耦人兒對心兒醉夜
深相勸籠燈解佩未未未 秋波溜纖腰瘦總前月
色明如畫紗幮內雲鬟墜千般巧就料難迴避睡睡
睡

長相思 牽情

花牽情柳牽情花柳牽情枝上鶯相看隔水亭 思

日是多情才子

卿卿夢卿卿萬丈銀河掛玉繩儂如織女星

醉落魄 焚香

桃魂杏魄春來愛向花堦立夜香燒罷嬌無力艸綠
烟青露冷鞋幫濕 檀郎別後音沉絕鴛幃鳳枕成
虛設一點芳心空自熱踏破園林望斷江南北

生查子 閨情

去年相送時渡口楊花撲今日曲江頭淚添江水綠
屈指春又來花開白如玉不見去年人花亦羞儂
獨

吳慶百曰
輕倩在屯
田小山之
間

清平樂

西湖感舊

晚風臺榭憶昔真無價處處笙歌迷駿馬綠水青山
如畫 等閒花柳蕭疎繁華不似當初西子可憐憔悴
淡妝濃抹全無

十六字令

咏燈

救閣夜紅光映碧窓蘭膏膩花藥纈銀缸

新涼

端午次東坡韻

王仲昭曰
長調生動
有餘力
張景龍曰
極勝大蕪

綠柳環茅屋嘆羈人又驚重午蘭湯晝浴痛讀離騷
弔千古角黍香蒲泛玉奈依舊困人梅熟謾把桃符

懸翠幕且徘徊遍倚闌干曲見新笋已成竹 幾回
風雨紗牕蹙倒金樽縱暫沉醉醒還幽獨聊步小池
開散悶出水芙蓉猶束被野鷺分開新綠欲繫朱絲
長命縷奈逢時對景情偏觸暗自省淚菼菼

菩薩蠻

重陽

嘹唳雁字來天北開樽不用陶巾漉把菊到東籬何
須逢白衣 賦成還笑傲日落風吹帽西嶺共徘徊
還登戲馬臺

行香子

閨怨和沈通聲

賦了將離不了相思沒心緒又覩花飛細桃映日細
柳含暉有許多香許多色許多姿無限春情却上
雙眉總都付綠暗紅稀獨倚闌干月到深屏惹一回
愁一回悶一回悲

漁父 本意

兩岬垂楊繫釣舟一村斜月挂漁鈎看宿鳥聽清謳
一恁長江水自流

沁園春 留春

九十春光一宵風雨滿院飛花恨年年此際留君沒

計看朱成碧幾度咨嗟蝶舞蜂喧鶯聲燕語却使難
人愁倍加牽腸處是淒淒草色綠遍天涯消憂且
酌流霞問誰不逢春羨景奢聽枝頭杜宇啼殘血淚
鏡中紅粉浣盡鉛華柳絮飄烟萍絲颭水惱殺孤城
日暮笳空回首看遙山幾點一抹雲遮

荷葉杯 春雨

昨夜屣風憊雨春去堦砌遍紅英綠楊枝上正啼鶯
聽麼聽聽麼聽

又 秋月

簾外月兒明淨如鏡空自照秦樓鳳簫吹斷彩雲秋
愁麼愁愁麼愁

一剪梅 贈妓

霧鬢雲髻愛簪花衣妬蓮花裙妬榴花逢人巧語笑
拈花舌可生花筆可飛花 妖嬈嫋娜果羞花面似
梨花命似桃花風流羨殺並頭花情若萍花性若楊
花

錦帳春 咏睡鞋

三寸猩紅片塵難染愛夜夜輕盈枕簟解羅裳燈下

換勝露濃苔淺翠裙深掩 一種勾情鴛衾故做將
粉郎幾回悄喚最銷魂紅冉冉似月痕初轉擎來未
滿

小秦王 春閨

水剪雙眸衣剪雲鶯聲小語可人間逢郎故爾生嬌
盼笑罵東風起繡裙 吳凝父詞鸞地羅裙
吹起笑把東風罵

蝶戀花 問花

花滿鳳樓人獨睡冷雨淒風攪得心兒碎憑檻問花
花不對低頭只自垂紅淚 昨日花開何太媚不道

張景龍曰
真與扶醉
問花欲語
爭妍

今朝瘦與花相似，帶減圍消，香色退春情已逐東流水。

武陵春 戲咏閨人得信

擬定歸期猶不到，空自寄雙魚。薄情書上又欺奴。相約在春初。當時笑問歸何日，應莫戀長途。枕畔盟言已屬虛。何況一封書。

巫山一段雲 戲贈

卓女當壚日，相如渴已消。盈盈笑語綻櫻桃。纖手向郎招。買醉樓中月，尋歡鏡裏嬌。杏花村店酒帘搖。

誰不解金貂

柳梢青 咏美人足

一掬蓮勾，纖纖軟玉，占斷風流。羅襪微遮，紅帮半露，苔徑踪留。消魂何處，綢繆鴛枕畔，將郎暗揉。掌內輕盈，裙邊嬌艷，被底溫柔。

菩薩蠻 雪中示梅

西園一夜寒風急，枝頭樹底花同色。堦下獨徘徊，但聞香暗來。望中疑是玉，結伴松和竹。何處笛憑吹，相從瑞葉飛。

錢右玉曰
轉折多矣

丁葑園曰
極得詞家
三昧

滿庭芳 春日同友湖上

丁巳雲日
清秀不減
少游

一夜東風嬌花吐艷况逢天氣初晴相邀良友載酒
聽啼鶯遙看六橋畫舫遍笙歌聲振湖心花深處誰
家紅粉兩兩踏歌行 多情當此際誰能消渴沽酒
旗亭觀水光潑灑日暖風清欲向桃源洞口還思想難
問遙津空惹得蜂狂蝶浪喧舞覓花英

鷓鴣天 秋日同王尊行卜功弟登吳山

策杖登臨且共遊遙看小艇片帆收潮生浙水翻銀
浪樹繞吳峯隱翠樓 人語亂鳥聲悠金颺瑟瑟逐

林丘空增宋玉新悲怨萬里風烟接素秋

漁家傲 重門

翠掩重門天欲曉綠楊深處鶯聲鬧寂寂香閨人不
到風繚繞堦前亂把殘紅掃 瘦減芳容多懊惱杜
鵑枝上頻頻道道是不如歸去好春盡了飛花滿眼
韶光老

望遠行 秋日東丁素湖

野岼衰楊遶客船惜別最情牽而今屈指又經年誰
贈買山錢 重疊恨鎖眉頭懷人一日三秋問君無

錢介子曰
詞語淒切
如聞秋夜
寒蛩

計可驅愁除是傾樽醉方休舊地空追憶何日可重遊

天仙子 贈張景龍

猶是畫眉京兆後俠氣雄才高宇宙吟成七步擅風流才八斗詩千首曠逸胸襟羅二酉賦似相如詞似柳彤管夢花飛越岫芳名久矣占辭壇欣邂逅登山阜肯讓江東誇獨秀

虞美人 閨女描繡

粧成小閣尋花樣欲繡還思想花枝朶朶不禁秋歎息紅顏易老去難留描來盡是閒花草只羨鴛鴦好匪關文彩故憐伊愛殺雙雙遊戲不曾離

瑞鷓鴣 遊陳氏園亭

憑欄獨眺意悠悠疊疊雲山四野浮海外鯤魚噴濁浪水中鷗鳥逐清流冰輪皎潔庾樓集日色矇朧香閣幽謾道無人同玩賞青藜欲向此中留

又 旅懷

新涼病起強登樓滿目雲山一望收嚦嚦征鴻隨野落蕭蕭亂葉傍溪流淒涼難解相如渴憔悴空悲

朱玉秋遙望吳江烟樹外愁心日日繫扁舟

望江南 春詞

風色好花柳媚三春牆杏小紅臨綠水露桃含笑傍
朱門鶯燕日相親

又 秋詞

梧葉落何處不悲秋牕外桂花香透屋庭前桐葉色
如榴明月滿南樓

鬢雲鬆 閨夜和徐武令

月當牕花弄影被冷薰籠夢遶巫山徑竟斷楚雲心

不定展轉無眠更覺春宵永 暗悲傷心自省百結

愁腸又是前番病何事阮郎多薄倖香消粉謝芙蓉

鏡

如夢令

又 漁父

舟破浮萍斷繫搖動青山水底波靜且垂絲釣得一
雙金鯉歸去歸去沽酒醉眠月地

賣花聲 本意

香夢斷溫柔蝶浪蜂啁賣花人促上簾鈞笑數青錢
呼婢起快下粧樓誰道一春休付與東流纖雲曉
日照梳頭檢得宜男簪兩髮那便忘憂

青門引 贈丁弋雲先生

賦就凌雲氣喜香名傳梓里愛弱冠早占青袍陶情
詩酒羨才同三李名高山斗人爭企迎賓常倒屣
更看虎頭絕技掃風雲其門如市

浣溪沙 粧成

曉起臨粧弄粉脂纖纖玉手畫蛾眉粧成檻外折棠
枝杏臉嬌生西子靨柳腰輕舞楚宮肢容顏減瘦
却因誰

多麗 介蘄允菴同學

青鳥來傳君正度春秋看華堂彩衣朱履又添海屋
仙籌覩春光柳嬌花艷喜美景日煖風柔杏滿庭前
橘盈井畔是神工扁鵲傳流羨芳齡箕裘克紹能撞
破烟樓綺筵上佳賓滿座投轄相留更瀟灑風流
越世扁舟乘興遨遊流連處鶯聲燕語陶情者西子

湖頭載酒攜柑吟風弄月錦囊內好景全收笑人間
蝸名蠅利誰似爾悠悠從今後卓然而立聽徹清謳

蝶戀花 甲徐娟娟用毛稚黃韻

枕冷衾單如未嫁病裏春宵減却千金價薄命桃花
剛綻也東風一陣還吹謝耐盡淒涼多少夜鳳去
樓空小胆耽驚怕縹緲雲車何日下粧臺月暗菱花
架

柳烟詞

仁和鄭景會丹書著

同郡 費 圻能千 選

陸 進蓋思

踏莎行 咏叩頭蟲

似羸如蠅粘花憑藥無情做出多情態微軀此日欲
何求逢人即便深深拜 傅子辭中歐陽集內千秋
載得芳名在綠伊一味假慙慙牕前故使才人愛

蝶戀花 別後

吳慶百口
堪贈霍家
小玉宜在
十郎金鈿
中

別後春來腰瘦損、種得宜男何處能消恨、獨立瑤階
空自省、倚闌怎解人愁悶、曾約佳期無定准、豈料
而今忘却盟言訂、若是蕭郎非薄倖、緣何一去無音
信、

蘇幕遮

咏枕

傍鴛衾、釵鳳裊、消受佳人粉面花容、俏夜夜巫山常
伴曉夢、裏悲歡種種、他知道、畫函欵春意、悄未到
三更、總爲情顛倒、覆去翻來、都不好、怨雨愁雲盡是
迴腸繞

山花子

暮登湖上莊樓

閣對青山戶、遶溪數株衰柳、晚鴉栖返、照碧波光、潑
灑映朱扉、遠寺鐘聲、風暗送、隔林茅屋、雨初迷、何
處玉人猶美、笛畫樓西

柳梢青

鬪草

踏遍蒼苔尋芳闌草露濕纖鞋朱映櫻唇青嬌柳眼
紅襯桃腮 蔥根兩下安排便贏得春光滿懷懶摘
龍團忘拈鳳尾輪却驚釵

滿江紅

拜

岳王祠和韻

義越乾坤羨少保鴻名未歇按青史幾人奸佞幾人
忠烈皓氣千秋清似水丹心一點明如月使當時敵
國膽驚寒英風切 金牌詔怨難雪風波獄寃怎滅
恨無端和議中原功缺西子湖頭長瘞骨朱仙鎮上
猶啼血觀空山墓樹尚南枝叅君闕

小秦王 送家孟

歲殘何事欲南遊越地雲山不可求孤帆此去錢江
外莫向春風久滯留

望江南 閨情

人已去猶自倚雕闌桃靨粉消香雨暖蝶裙腰細楚
雲寒春夢到巫山

吳慶百曰
可厭貴溪
和韻

一七令 咏柳

柳輕柔纖秀折風前
揷雨後
冑月黄昏籠烟白
晝看花樊圃側走馬
章臺右羞向翠栢爭
妍愛與天桃爲友
聞歌欲擬小蠻腰
惜別空攀行客手

清平樂 花朝有懷二親

魚沉雁絕又是花朝
節無奈一年傷遠別
何日承歡在膝
望雲徒憶親顏空
教淚濕青衫惟願
朝朝家慶堦前戲
舞班嬾

憶秦娥 登樓

登樓觀雲山
叠叠迷烟霧
迷烟霧不知何處是
郎歸路
情懷脈脈和誰訴
那堪風雨春將暮
春將暮空憐咫尺
韶華暗度

金菊對芙蓉 旅况

翠嶺楓丹東籬菊綻
又逢節是重陽恨
身居旅館對景堪傷
慢思昔日龍山會
且開樽強洗愁腸
關心怕覩寒雲北去
塞雁南翔
遙想故國秋江正
蟹肥鱸美橘綠橙黃
幾回頭東望渭樹蒼
茫空城一片朦朧
月怎如得歸夢還鄉
西風古渡芙蓉冷落
愈助淒涼

丁素涵曰
客中情景
寫得活現
真覺筆香
墨艷也

賽天香 咏梅花

冰肌玉骨一枝枝占盡春光第一却傲嚴霜奈歲寒
不比尋常艷質羅浮入夢含章點額更多情難及洗
盡鉛華不惹狂蜂浪蝶 休說松竹孤高清香十里
淡淡籠斜日攀折隴頭逢驛使且禁高樓吹笛對月
芳菲臨風爛熳氣味能傾國廣陵何遜賦成闕 重覓

解語花 咏桃花

穠粧醉月笑靨酣春巧把韶華占宋牆偏見窺郎女
覩此天天目斷不禁三嘆怎得覲乞漿人面誰道他

舊恨難消今更添新怨 可惜紅顏命蹇倩東君須
護休教開遍楚陽亭院還須念曾助玉環嬌艷多情
繾綣記當日武陵源伴拚渡頭勾引劉郎不比河陽
縣

水仙子 咏水仙花

輕盈祇自號花仙巧把鴉黃點玉顏柔腰婀娜氣如
蘭花淡淡葉芊芊步凌波青女爭妍看湘水瑤池艷
是風流洛浦還語陳王好賦須傳

踏莎行

春雪同王尊行雷臣兄大年次公集拱
慈上人之榜翠堂限韻分賦

吳慶伯曰
結句解人

碎玉飄空飛瓊繞樹寒光一片西陵渡前村報道綻
梅花清溪野徑無人住 佛國重瞻天倫樂叙爭將
彩筆題新句條風咫尺掃同雲斜陽策蹇尋歸路

西湖竹枝詞

徐大文曰
謫發吳歌
聲諧子夜
曲盡竹枝
勝境

桃花似妾艷春天柳絮如郎性太顛願作來生雙燕
子雙飛只在畫堂前

六橋桃柳結成陰玉作鴛鴦錦作衾桃花艷艷如郎
面柳絮綿綿似妾心

菩薩蠻 六問題文

小樓紅映人年少少年人映紅樓小驚夢曉啼鶯鶯
啼曉夢驚 曲江新草綠綠草新江曲春暮奈消魂
魂消奈暮春

蘇右玉曰
可敵元美

醉花陰 姊妹

姊妹相攜來鬪草賭罷欺儂小偷看合歡圖豈料儂
知欲向人前道 低頭故意含糊笑背地羞還惱釵
失鬢兒鬆再四叮嚀莫向人前告

太常引 零丁

相思夜夜伴孤燈無奈病零丁對景怎無情生怕向
花前獨行 鴛幃懊惱鸞衾寂寞好夢却難成即使
夢卿卿又還恨枝頭曉鶯

南柯子 青樓

日午珠簾捲雲深錦帳幽輕盈到處說風流絕似當
年蘇小繫人愁 映面桃花艷遮庭柳色柔秋波慣
自把情留惹動五陵遊子盼粧樓

南鄉子 咏貧婦戲集唐句

度日不成粧崔顥閑把荆釵亦自傷李山甫自是淡粧人
不識裴度淒涼回首東風一斷腸羅隱窈窕出蘭房王勃
不洗殘粧並繡牀無名氏明裏開顏暗流淚無名氏千行

泣上龍堆望故鄉盧

青玉案 咏美人手

王尊行曰
集句不見
斧痕可稱
名手

王次公曰
傷心之語
不堪多讀

纖纖玉筍看如削對鏡把烏雲掠半額鴉黃初試
學燒殘寶鼎捲將珠箔紅豆拋雙雀無聊戲弄秋
千索數遍庭前海棠萼整頓雲翹歸繡閣停針暗想
春風綽約悶把蘭腮托

三字令 閨情

郎馬去又春歸草萋萋書信杳夢魂迷綠楊烟紅杏
雨曉鶯啼眉黛淺鬢雲低會難期珠淚落寶釵欹
最關情花並蒂燕雙栖

極相思 生疎

臨邛久矣識相如何事故生疎欸整瓊簪慢移蓮步
獨上墻除欲待同伊乘彩鳳奈難傳隻雁雙魚兜
上相思牽回舊恨惹下長吁

醉花陰 和漱玉

閒步小亭銷白晝捲幔香飄獸籬燕語梁間柳暗花
飛滿院薰風透傷懷總爲郎離後粉淚沾羅袖京
兆不歸來淡掃蛾眉鏡裏春山瘦

轉應曲 別恨

消瘦消瘦試問卿卿知否背人萬種相思只爲當時

別離離別離別帕上紅冰猶結

點絳脣 湖亭次韻

過了花朝重來又覺青梅長小舟蕩槳撐入桃花港

日煖風微天氣偏清朗終朝賞狂歌拍掌應得空

山響

卜算子 春歸

紫陌又春歸花落如紅雨苑柳絲絲慣惹愁不繫遊

人住 綠酒可忘憂怎逐離魂去簾外楊花滿地飄

迷亂相思路

漁家傲 封姨

惱煞封姨偏不美名園剪亂胭脂碎樹底繁紅渾似

綺殘日裡紛紛盡向風前墜 蝶粉蜂狂都欲退鶯

聲燕語應難避二十四番花信至還次第吹開忽謝

真無謂

生查子 寓意

水底月團團一似芙蓉鏡人向碧溪行如把菱花映

斷藕兩分開惟有絲難盡荳蔻已開殘無復同心

並

風流子 春遊東徐大文

徐武令白
柳七之神

又是花朝也。平蕪外芳草暗池塘。望孤山亭畔梅花
初謝。桃花將綻。總艷春陽。堪愛處是遊絲裊裊。更粉
蝶雙雙。煮酒烹茶。攜柑柳下鶯聲百轉。巧弄笙簧。
風流顛狂性。嘆韶華如流水去。堪傷空羨子雲佳賦。
誰惜長楊對六橋。花柳驕嘶駿馬。蘭橈畫舫。激灩湖
光。且把三春麗景收入詩囊。

減字木蘭花 桃花

桃花滿樹旖旎春光。嬌欲語艷映紅腮。却被黃鸝喚
夢回。桃花滿地剩粉殘。脂斜照裏不見雲英望斷
藍橋咫尺情。

西江月 閨情次王尊行原韻

寶鴨香熏繡被紅。牕永不分離。生生世世兩相依。合
住溫柔鄉裏。惱動春心一點亂。愁難理如絲。逢花
對景苦尋思。却恹閑情牽繫。

美人香 本意 自度曲

柔肌艷質發芳芬。似賈如荀。生香豈為麝蘭薰。自是
天然百和。捻就輕盈。東風蕩起石榴裙。散出氤氳。

王尊行曰
鳴驚人

蕭郎幾度欲消魂、一種香香深處粉蝶難爭

少年遊

清明寄丁素涵

淡雲疎雨黯孤城、新火換清明、泛艇湖中、劉伶不在、樽酒澹無情、知君馬首歸何日、空自盼長亭、海燕雙飛、梨花正艷、遙見一峯青、

玉樓望江月

新犯

殘紅處處堆花徑、閒步小園、春色暝、恹恹病都是別離情、不知何日短長亭、重會樂昌鸞鏡、淒涼夜夜傷單影、俯首無言、將夢省香奩、冷紅蠟、半昏明、聽他

畫角一聲聲、愁殺夜闌人靜

舞春風

春日同友泛湖

萬頃湖光烟霧空、遊人笑語捲東風、環橋柳葉綠絲絲、綠夾嘶桃花片片紅、春到每逢鶯語巧、晚來惟聽

汪右夢曰
詞氣宛轉
可推江南
詩祖

水聲瀉扁舟昨買邀賓過載酒橋相古寺中

小秦王 西湖十景

蘇堤春曉

楊柳新烟映碧溪桃花夾岨繞蘇堤六橋遊子尋春色為聽流鶯枝上啼

曲院荷風

曲沼荷花開滿塘午風搖曳更生涼扁舟載酒隨波去不斷笙歌處處香

柳浪聞鶯

細風吹浪捲晴空一望垂楊葉葉同枝上乳鶯啼不住綠陰深處繫花驄

花港觀魚

湖南水曲晚烟浮郁李穠桃隱翠樓漫羨臨淵學莊叟落花偏惹釣魚鈎

南屏晚鐘

古剎嶙峋倚碧峯杉松靄靄綠陰濃雲中數點南來雁也向沙頭聽晚鐘

平湖秋色

於人文曰
宗古湖上
請詩歌其
穠纖麗緻
移人情
今丹書諸
作工妙絕
倫諷咏數
過不勝續
對宮前樂

道原上之
思

月映湖光水接天秋深景色倍堪憐
姮娥亦羨西湖好故放銀蟾挂柳邊

兩峰插雲

秋烟不斷鎖雙峰樹色蒼蒼暮靄同
一片湖光偏激灩雲山倒影入波中

三潭印月

徙倚迴廊月色幽長橋一帶水中浮
休言此地無佳境自有三台映碧流

雷峰夕照

日色西斜水面青雷峰塔影傍湖亭
閒看夕照卬山紫翠柳蒼松欲挂星

斷橋殘雪

掃斷同雲踏雪遊梅花酒肆澹香浮
段家橋上停嘶馬醉看重湖春水流

鄭子丹書磊落奇士也予與之神交者有年丙辰
春因王子尊行始得與之把臂見其翩翩韶令真
謝家玉樹也且每於花朝月夕遊覽之下輒多題
咏大抵西子湖居多焉一日以西湖十景見示麗

彩紛葩光怪錯落覺秋月冰壺不足喻其清朗芙蓉新柳未可擬其芳華直駕開府叅軍而上者予披讀再四拍案叫絕唾壺盡碎况丹書以未逾入洛之年而馳騁詩文之樂如此異日詩囊更不知何如耶

同學弟張雲錦拜跋

